



欽山先生遺稿

詩

二

早稻田大學附屬  
圖書館

寄第

第

第

出帶許不

16  
1494  
2



和  
1494  
2



孤山先生遺稿卷之四

山陰新林人來五肥後百年之數愍子厚著

其四 數將泰記輯

五言律

野遊二十八首

已愛春郊綠。又憐春日長。孤琴童子抱。濁酒野人將。  
步處皆芳草。歸時欲夕陽。懷襟誰不滌。緬想浴沂狂。

其一

連步同心侶。行歌滿野春。迎陽衣服薄。扶醉冠童親。  
花柳遷鶯語。薜蘿匿雉身。仙源知不遠。停杖問芳津。

其三

勝遊無近遠。佳景滿東南。風力到花盡。日光臨柳曇。  
禽應擇喬木。魚自樂深潭。莫道村醪薄。醺人至二參。

其四

芳草如無地。遊絲欲繚空。和歌應緩緩。移步勿匆匆。  
山色浮花外。人家在柳中。百年多樂日。况又對春風。

其五

塗窮何用哭。行倦即應休。栩栩花間蝶。閑閑沙際鷗。  
陽和遍萬象。斗酒解千憂。遙想北山上。采薇薇亦柔。

其六

夙駕多於野。春來不在家。艸裊便潦倒。風帽易欹斜。  
隔水懷幽侶。呼舟立晚沙。此間堪擊壤。何必隱桃花。

其七

已有遊春侶。寧無買酒錢。巾車停郭裏。步履到垆前。  
句莫難深索。杯應取次傳。飽看芳艸色。微醉亦要眠。

其八

有朋興洩洩。無累意閑閑。杖屨一朝出。柴荆終日關。  
氣和一雨後。眼醉百花間。薄暮牛羊下。幽人未擬還。

其九

平蕪數十里。來往僅三殮。百卉經甘雨。單衣負美暄。  
步舒何至倦。歌善必教反。夾路饒花樹。看看到遠村。

其十

行藥寧期遠。良朋不在多。溫泉思一浴。芳野可頻過。  
旭日千峯曙。雲霄數鶴摩。相逢問農父。帝力復如何。

其十一

獨與衆何樂。天於物不違。漸漸麥辭秀。輕輕柳系飛。  
詠歸夫子與。戰勝老身肥。幸當和煦候。無酒可賒衣。

其十二

山平何著屐。水緩可浮杯。春色看將老。人生笑幾回。  
游鱗欣潑刺。野犢飽徘徊。只自耽佳景。非緣被襖來。

其十三

烟景况招我。賞心何負春。滿空生野馬。行潦引波臣。  
偶語同耕叟。齊眉舉案人。前村多隱逸。願此結東隣。

其十四

忽看虹截雨。且喜蟻浮缸。此日思南畝。何心卧北窗。  
野疑迷輟處。源莫濫觴江。山下有茅屋。居人說姓龐。

其十五

芳菲已滿野。桃李亦成蹊。童子窺詩艸。傍人笑醉泥。  
新晴喬木鳥。亭午遠村雞。明日無風雨。芳樽欲重携。

其十六

風物牽詩興。陰晴定易爻。初萍纔點水。乳燕未離巢。  
老婦裁春服。家童煮野香。忽逢隣叟至。要我指東郊。

其十七

勃勃鳩呼婦。啾啾鹿食苹。偶然動野興。誰不欲吟行。  
初吉離寒暑。中和得性情。靜聽漁父語。壇上杏花明。

其十八

敢輕三子撰。難負暮春時。野外無醒石。山中有醉池。  
悠悠聊自適。戚戚又何爲。稚子門前立。應嗔歸路遲。

其十九

作遊期曠野。干祿愛微官。官微身亦逸。野曠興逾寬。  
遠志生閑地。陽橋侮釣竿。晚風飄醉袂。迂路過雲壇。

其二十

春水平如止。春山澹似遙。蜻蜓何款款。榛棘亦夭夭。  
身幸無殘疾。兒旋耐負樵。躊躇花樹下。迎月步初宵。

其二十一

不覺衣裳濕。何妨霖霖濃。借無車上蓋。避有路傍松。  
點點添花色。紛紛亂柳容。歸家妻子笑。巾墊似林宗。

其二十二

安石非無墅。辟疆自有園。幽人懶營築。遐矚有郊原。  
豐艸黃狐隱。春山白鷺翻。種瓜期此地。何復近青門。

其二十三

丘壑誰過我。風光即在今。人稀知境遠。山隱覺花深。  
竹筒宜貯酒。蓬髮不勝簪。野酌無賓主。興來隨意斟。

其二十四

微風何習習。萬木自欣欣。行藥無車馬。心齊有肉葷。  
數聲來太鳥。終日卷舒雲。待盡聊乘化。浮名寧足云。

其二十五

中年名利澹。一任事情迂。樂水非由智。移山欲學愚。  
陽和天理發。涵泳道心腴。醉處堪棲宿。行窩在綠蕪。

其二十六

南陌辭遊俠。東林問杜多。終年無轍跡。盡日有鶯歌。  
不勸須沈醉。非招欲屢過。誰知琴叟志。久已在峨峨。

其二十七

山晴朝後好。檐雨夜來聞。看竹過寒屋。尋僧入白雲。  
一絲樵路掛。雙瀑澗泉分。不怪多佳興。登高已出群。

其二十八

每遊必有詠。任拙不求工。工啻悅人目。拙還存古風。  
境於神自會。樂與道無窮。子美非詩叟。淵明實酒翁。

泐光寺圍棋

一徑隨流水。深林擁梵宮。偶携看竹侶。來對落梅風。  
塵累消棋上。禪心在醉中。三車如不惜。歸路送山翁。

伊大素來宿用形字

萬竹暮烟青。留君宿艸亭。六書論鳥跡。五戲託禽形。  
野酌雖無筭。村醪奈易醒。寥寥剪燭下。夜雨可同聽。

送僧吞海歸越中

誰識桑門下。交驩有海公。一朝來告別。歸去古禪宮。  
多路經江北。連山入越中。律身持酒戒。祖席送清風。

中秋送人

皎皎雲間月。盈盈掌上卮。如何三五夕。恰是別離時。  
霜早蕙葭渚。葉疎烏鵲枝。行人且緩坐。江港夜潮遲。

送僧尋師叡山

古佛降名嶽。憐師萬里尋。不嫌王舍近。唯是法雲深。  
證果開初地。傳燈照慧心。洛陽多長者。隨喜捨園林。

詠蟬

蟄潛甘朽壤。羽化向蒼穹。飲露忘三伏。迎風舞半空。  
軀何畏矰繳。吟可入絲桐。幽聽不知倦。如在亂山中。

艸堂集送革君豹還洛陽

汝向洛陽去。暫留寒屋中。古琴調別鶴。征路逐飛鴻。  
幸值江春近。旋教魯酒融。此宵梅月霽。分手莫匆匆。

贈律僧豪潮

潮師釋門傑。戒律異時僧。臘稍風霜積。心愈水月澄。  
日行千里屐。朝浴一溪冰。大道存規矩。何須笑小乘。

對雪憶北山舊廬

故山消息斷。况復雪連天。孤夢驚風竹。歸心逼暮年。  
鶴思寒月下。梅憶白雲邊。永夜不能寐。空吟招隱篇。

松井門子宅集二首



不識緇衣貴。何知白日曛。南枝梅撥雪。東閣月披雲。  
夫子能忘勢。吾徒得樂群。平生酒量淺。此夕醉醺醺。

其二

冬日真堪愛。冬宵亦可憐。布衣寬禮數。杯酒且留連。  
雪影侵銀燭。鴻聲落素絃。誰知高閣興。還似泛溪船。

越丘出石以為硯美不可言賦紀其事

美石越丘出。彫為几上珍。質常含玉潤。紋盡作龍鱗。  
此硯真堪愛。端溪可比倫。文房得良友。交契幾千春。

借琴

此夕邀明月。從君借素琴。已無焦尾引。其奈遂初心。  
欲飲杯空滿。當歌曲尚沈。故人如有意。不惜寄清音。

爽然

爽然如自失。開卷觸天機。著眼今朝異。論詩昨日非。  
有風波怒立。無礙鶴遼飛。千載杜陵子。微君何處歸。

畫盆成九井。學稼擬三農。桀溺與誰耦。樊遲終是蠢。  
袂纔藏數雀。雨可借雛龍。自笑秋收日。能煩幾杵舂。

次韻高君席上贈管生憶南代山水

君誇南代勝。鴻雁亦隨陽。百里遊非遠。浮生鬢欲霜。  
橘子何時熟。尊絲幾許長。只合理舟楫。全家此地將。

次韻管子舒集二辛積善堂

寂寂柳遮戶。徐徐風入襟。行杯春日短。棲鳥暮花深。  
白眼復誰視。青山同此心。二疏恐客散。不復問餘金。

送村君廓歸鄉

子若荆山璞。清光人未知。琢磨如一日。螢雪已三期。  
歸路先梅雨。鄉心切子規。倚門應待久。去矣莫逶遲。

送白子欽還鄉

白生南國彥。負笈亦賢哉。孖嶺尋高士。孤山及野梅。  
以吾一日長。愧爾遠方來。送別悵無語。天涯離雁哀。

子欽初師孖山人

送清生兄弟歸贛州

憐汝兄弟弟。怡怡還舊林。三年如且暮。萬里奈商參。  
祖席梅臨酒。吟鞍雪滿襟。病翁不能送。扶杖望雲岑。

詠高津山送森子久歸石州

昔賢愛此山。歌詠徧人寰。古調誰能繼。高蹤不可攀。  
路經滄海曲。望斷白雲間。欲往吾□老。沈吟送汝還。

送辛君

君行兼攬勝。何用太匆匆。道路春相引。山川望不同。  
吟詩宜馬上。高枕足舟中。唯恨柴門外。無人問病翁。

雪中送人

颯沓滿天雪。勸君金屈卮。窮陰看若此。匹馬欲何之。  
望斷遠山曲。路迷流水涯。故園逢柳絮。不憶別離時。

賦得四極山送堀實甫還府內

四極南豐秀。連天東海開。船疑載童叟。島似沉蓬萊。  
濟勝吾無具。登高子有才。病牀猶可翫。幸寄畫圖來。

慶府山文學赴江戶途中見過弊廬喜賦

裘馬遊應好。鶯花春未闌。何知過白屋。暫此駐金鞍。  
客裏雲山遠。病中言詔難。不嫌村酒薄。一醉破餘寒。

追和杜子美陪鄭廣文遊何將軍山林仍次

其韻八首

泉石開斯境。風塵不度橋。將軍值休沐。緩帶下雲霄。  
久抱陪基志。還逢折簡招。借騎多厩馬。何計往來遙。

其二

咫尺白雲起。蒼涼朱景清。深林聽伐木。幽谷見殘鶯。

石髓多成乳。筠芽可作羹。不緣童子引。過客恐迷行。

其三

綠竹移淇澳。妖花出月支。清陰逼北戶。艷色鑑南池。  
夏扇何勞把。春鶯恐未知。幽尋來此地。誰復不襟披。

其四

隔雲四隣遠。藏柳半扉開。新晴喧鳥雀。多雨熟楊梅。  
酒自城中載。朋從谷口來。不愁春艸歇。自有滿庭苔。

其五

涼夕松懸月。清遊竹勝花。醉吟無律呂。狂草走龍蛇。

塵世身將老。仙山路亦賒。南溪如可借。垂釣寄全家。

其六

壁上垂青薜。階前迸玉泉。松聲寒瑟瑟。雲氣白綿綿。  
簪笏成何事。文章不直錢。願隨鷗鷺去。連宿弄清川。

其七

閩外逢清世。山中弄白雲。墅思謝公賭。亭憶右軍文。  
烏帽從風落。流觴到石分。如何在城市。奔走日紛紛。

其八

此來興未盡。此去意如何。三日歡娛短。百年風雨多。

馬馴沈醉客。兒慣接羅歌。巖戶休深鎖。相思可屢過。

謝栢生惠芍藥花一瓶二首

一種稱花相。孤瓶寄老翁。惠將雙璧比。賞與滿園同。

其二

栢子徜徉地。花欄芍藥春。瓶分紅蕊色。門見白衣人。

晴六

寓目堪忘老。開顏不待醇。因思園事好。何止出風塵。

久雨思農事。新晴解客愁。况當正陽月。可有積陰憂。

枇杷一籠奉贈高君

戶戶蠶成繭。村村麥報秋。病中猶起色。門外欲回眸。

送曾士功歸中津

枇杷黃可摘。摘得滿筠籠。類橘形容異。並梅時節同。

送山本赤崎二文學還薩藩兼寄懷柁城公

路續千山外。家臨大海濱。再遊如可遂。尚及菊花新。

一子山田大夫公子大夫。近各忝書。余病不能

報故及大夫公子大夫亦谷茶青公亦  
二子太翩翩難留落日前一杯須臾盡此會復何年  
公子西園貴大夫東里賢執鞭吾老矣空望白雲天

贈村井翁賜祿

井翁師古醫師古不趨時孤立身將老無干祿亦溼  
自遭西伯養何勒北山移借問儒門下如君復有誰

抵德山府主青木氏

以下十三首係  
未東遊作

離家垂一月笑口爲君開僮掃花前榻人含襖後杯  
玉山憐酒態金谷試詩才誰識它鄉夕陶然忘去來

久保生見邀得一東

携手向城東誰知仙路通帶書青鳥使行酒綠鬟童  
市井孤琴外烟霞四壁中遙程如可縮屢此問壺公

灞城道中

崎嶇惜馬蹄筇竹事攀躋地脉分千澗天門有一梯  
峽雲常似舞蜀魄自含悽欲宿迷人處樵家烟水西

栗山氏亭夜集得深字

和風吹客襟同醉灞城陰綠酒春星映玄亭夜漏沉  
坐如萍水會人似鳳鸞音起見門庭白飛花幾許深

望吹華浪華伯潛亭集松大夫亦在時薔薇盛開得  
 味風大明字同相繼然劉耕畝春里知古亭文賦  
 南州迎孺子東里接名卿幸此披雲座忘吾久客情  
 薰風絃上度舞燕酒邊輕不惱三春盡薔薇照眼明  
 孤山訪北海片山翁  
 緩步橋東路鐘聲送夕冥偶來中散地還望少微星  
 竹影橫水簟蟾光倒玉瓶但緣離別迹沉醉得寧馨  
 遊三井寺望湖  
 蘭若中峯路琵琶萬頃天□□凌絕頂何處引塵緣

雪浪歸帆外虹橋落照邊。祇當假寶筏。隨意度風烟。

上象頭山

名嶽藏名利層層□□□雲生靈運屐風滿御冠衣  
 海上龜城迥天邊鳥道微。我來凌絕頂坐嘯送斜暉。

宿象山石氏宅

石生山下宅無日不看山。雲氣軒楹內泉聲枕簟間。  
 田家無俗事農語有餘閒。憐爾賢昆弟開尊破客顏。  
 龜城客舍邨子英携酒和其韻。

高亭連日宴轉見結交深。素雪疊吳紵清風流楚襟。

它鄉端午節。佳句雙南金。憐汝冰壺酒。携來一片心。

宿河江驛長野氏

書韻味其贈

那圖千里外。得此幾相知。四海皆兄弟。朋樽慰旅羈。人如江月潔。髮任竹風吹。明日琴中鶴。孤飛天一涯。

松山毛子曾宅丹稷卿僧明逸來會

灑然毛子宅。可以滌塵氛。詩伴乘明月。山僧下白雲。此宵何惜醉。明日復離群。願得王喬鶴。天涯屢問君。

宿大洲觀水亭

連日黃梅雨。晴來月滿庭。蛙聲供兩部。山色送空青。

座自忘賓主。交其奈水萍。前溪殘夜白。莫使玉杯停。

南玖道中

以下五首係遊薩作

江路從茲盡。崎嶇入翠微。連峰多秀色。下馬步朝暉。紅樹吟猿隱。蒼苔人跡稀。山雲無處所。袂上亦霏霏。

蓬壺亭始謁柘城公子

詩韻

久傳公子美。不減信陵君。別業迎羈客。清風拂宿雲。車騎林外駐。海嶽掌中分。但覺襟懷豁。非緣杯酒醺。

泠然樓得一東

詩韻

樓上待冷風。何妨髮似蓬。擔簦千里外。前席一杯中。



雁影橫秋海。鐘聲□晚空。更期愁霧散。南浦月玲瓏。  
陪公子宴曾氏園亭得七陽

公子愛山莊。提携訪辟疆。目隨冥雁遠。歌入古桐長。  
南國薄霜氣。東籬留晚芳。此遊難屢得。相顧惜頽陽。  
遊麀府館主人田氏需詩賦贈

館舍忘旬日。杯盤破寂岑。主人無倦色。僮僕有歡心。  
臨別猶傾酌。求詩不要金。愧非王逸少。留字與山陰。

雪二首

暮雨入初更。霏霏漸作霙。庭陰微有雪。簷滴已無聲。

老苦冬宵永。寒嗔酒力輕。千山思一望。不寐待天明。

其二

皎皎千山白。垂垂萬竹斜。階除來鳥雀。園裏失梅花。  
早起忘風疾。清吟對雪華。如何乘興客。不過故人家。  
次韻安君見寄

雪盡鶯將至。春回病自如。壁唯雲嶽畫。窗只藥方書。  
舊友夢相見。新詩情不踈。柴門芳艸夕。傾耳待來車。  
送井君子琴之江都

醫門有傑士。井子久高名。貌古風塵遠。詩奇世俗驚。

雲霞開海道。梅柳滿江城。此去輕肥足。休辭千里行。

遣興

病懷常寂寂。詩興獨滔滔。長短唯從口。宮商不必操。日暄花氣遠。天霽鳥聲高。門外無過客。樽中有濁醪。

喜暖

老疾憂寒久。新年喜暖回。東風已吹凍。北雪不爭梅。窠外蜂頻出。園中鶯屢來。南窗坐曝背。詩就興佳哉。

寄懷泮宮舊僚

一病掛烏帽。多年眠白雲。春風吹百卉。泮水憶諸君。

鶯至高低轉。花開遠近薰。如何新歲詠。不使故人聞。

送賜文學。文學豐人仕。藩歲餘。以其母思鄉

不已。辭仕將歸。藩命移居鶴崎。而職祿如故。

南郡入鶴崎。太鄉甚近。以安母之心也。蓋殊遇云。首三

高堂動歸思。游子欲迴轅。置醴如初日。移家近故園。

錦衣飄鶴浦。賓客仰龍門。期汝將文教。絃歌處處繁。

其二

綠酒猶盈缶。驪駒且莫歌。光陰過得速。歲月別來多。晝霧二重嶺。春寒七瀨河。此行載尊母。駐軸待陽和。

其三

儀也清門裔。賢哉陋巷人。官遊元應聘。歸隱不違親。松菊存三徑。林泉寄四隣。此行載老母。留意度嶙峋。

謝井兄雨中來診

積雨入黃梅。陰雲不暫開。門前總沮洳。階上盡莓苔。南陌人稀度。西林鳥早回。非君憐老病。誰肯冒泥來。

次韻脇文學見寄

桑榆餘落景。犬馬得長年。種樹來幽鳥。開池引遠泉。杯中時有醪。琴上自無絃。欲報瓊華贈。已忘前日篇。

買墅僅三畝。休官垂十年。種松虛籟應。移竹遠嵐連。

有酒招隣叟。聽鶯對暮天。西峰山寺近。鐘磬白雲邊。

其二

數里陳橋北。孤村牧水西。敢同名苑勝。不異野人棲。老叟思行藥。春來此杖藜。往還川上路。芳草亦萋萋。

次韻子友宴和生亭

濯濯花間月。迎人似春情。話俱春酒熟。詩假古桐鳴。野服從先進。青衿畏後生。由來阿戎宅。不啻竹林清。

竹醉報今晨。呼童移綠筠。此君無俗韻。唯我愛風神。  
幽意思明月。清陰待故人。誰知半窗外。已覺遠山親。  
江亭晚霽。此對藥封。翠佩上。欲長草。亦華英。  
江亭涼色動。宿雨散菰蒲。遠水天為一。殘虹影欲無。  
垂楊漁艇靜。迴浦雁群呼。買得多鮮味。爭傾白玉壺。  
平戶本澤君。千里來訪。一晤而別。數歲忽接。  
瑤音。兼有嘉魚之惠。賦此答謝。  
澤君忱慨士。為我洒懷襟。雖作三秋別。誰知一諾深。

有魚含尺素。無字不兼金。願與雲間月。天涯寄片心。  
訪友人幽居

卜築如丘壑。蕭然市井中。竹光侵几席。荷氣透簾櫳。  
膾美剖銀縷。杯香製碧筒。羲皇何足羨。醉卧北窗風。

游某別業

別業開泉石。逍遙興有餘。但因勝地引。能使宦情疎。  
密樹堪棲鳥。清潭可數魚。不知紅日沒。林杪月圓初。

贈畫師

客有丹青癖。周流幾十春。盡收天下勝。縮入畫中真。

尺幅唯賒酒。千金不與人。名山吾老矣。願爲作嶙峋。

秋興

把酒千山夕。登樓萬里秋。楓榆響林壑。鳧雁下汀洲。  
天未雲初霽。江頭月欲浮。由來飄落久。轉起故園愁。

薩藩知覽大夫枉駕賦謝

夫子遺權勢。咨詢及草萊。但言看竹去。何道叩門來。  
薄膳烹春韭。貧交贈野梅。前峰殘雪白。更盡餘杯。

清水寺

欲叩雲端寺。迢遙上碧峰。珠林春寂寂。香閣樹重重。

過境巖泉響。入溪野鹿從。不知前路遠。緩步到鳴鐘。

米大夫宴集

聚星諸彥會。開閣大夫賢。情爲知音竭。歌緣同調傳。  
圖書銀燭下。杯酒綺筵前。旣醉多高興。飄飄忽欲仙。

東溪探梅

梅花探不得。驢背向清溪。亂嶂重重踏。寒烟處處迷。  
荒村深雪裏。茅舍小橋西。疎影知何處。前林片月低。

春初同諸友過某氏

江南春色麗。懷抱爲君開。渚畔生芳芷。堤邊糝落梅。

風輕帆影過。目斷雁群回。樓上堪沉醉。新醪已發醅。

送人游天橋

海上浮烟歛。天梁架渺茫。虹懸紅日裏。龍捲碧瀾翔。

佳句傳彤管。小式部有閑雲護法堂。松花沙磧外。點

點動殊香。

中秋送別

夫君不可留。送別上南樓。興惜三更夜。心傷兩地秋。

引杯明月滿。移席絳河流。自此乘槎去。音書若為求。

游山寺

披襟何處好。逃暑即逃禪。淨界浮埃外。空樓飛鳥邊。

得詩題野竹。煎茗辨山泉。不怪衣裳冷。閑雲伴午眠。

僻地房櫺靜。清溪道路分。一樽忘畏日。雙屐伴閑雲。

山色窗前見。泉聲枕畔聞。石磯垂釣。蘿薜亂紛紛。

緝園逃火宅。淨地滌塵襟。晝靜蓮花漏。涼多竹樹林。

無風幽籟響。不雨翠雲深。一接支公座。清談到夕陽。

林苑

孤山遺稿

卷之四

送人游天橋

纔過赤欄橋。衣襟颯冷颼。松陰礙白日。竹色襯青霄。  
几杖從心適。琴樽遣興遙。主人寬禮數。更欲卜清宵。

江亭

江流碧且清。曲檻逐江成。荷氣堪消暑。柳陰不辨晴。  
但緣銀膾美。頓使玉壺傾。忽見青蘋動。洲前晚吹生。

道觀

欲避人間熱。來從物外游。松低瑤露滴。石折玉泉流。  
碧洞衣裳冷。冰壺沆瀣浮。卻疑御風去。高蹈在瀛洲。

池館

澹水開明鏡。幽亭絕暑塵。敲碁驚狎鳥。倚檻辨游鱗。  
水色連□碧。荷香入酒新。小舟堪可愛。恰受兩三人。

村家

尚有田園樂。堪消夏日長。藥畦頻澆水。梧蔭自移床。  
脫帽人無訝。携琴客不妨。清風北窗下。醉臥似羲皇。

山房

夏木千章合。深莊一徑微。松風吹落帽。苔色上人衣。  
窗外閑雲度。階前送水飛。放歌迎夜月。散步下山歸。

海樓

飛樓跨海起。百尺倚層穹。浪捲千山雪。涼生萬里風。  
披襟忘暑熱。極目入鴻濛。一醉持螯後。憑陵興更雄。

同諸君過文卿宅

深居如澗壑。寂寂市城間。琴響傳流水。屏開出遠山。  
人衣苔色上。酒席鳥聲間。向晚逢春雨。留連不得還。

宿飲田氏

十里乘明月。江亭夜正清。開尊新酒色。投轄故人情。  
飲合通宵縱。談教四座傾。低欄臨綠水。可以漱餘醒。

某氏席上賦江村晚眺得一東

遠水涵秋色。孤邨帶晚虹。漁家多曝網。岸樹半栽楓。  
蘆荻花如雪。舟帆影似空。忽看明月上。浦口海潮通。

過谷氏居

孤村二里餘。看竹到君廬。門外車無轍。窗前草不除。  
充飢新麥飯。樂志古人書。林下通流水。澄然可辨魚。

山閣避暑

何處駐塵駢。登臨半翠微。暑雲過水冷。閑鳥近人飛。  
石勢分仙局。松聲入玉徽。薜蘿涼色足。欲製遂初衣。

蒲葵園集



新居開徑僻。小閣出塵孤。默瑟閑中鼓。哀盧醉裏呼。  
養苔修石罅。樊圃護雞雛。寥寥青竹下。誰不向禽徒。

同前

不知朱景逼。向夕對冰壺。竹裏風徐入。林端月始蘊。  
清談揮麈尾。新句得驪珠。滿座知音在。瑤琴意不孤。

養陽橋魚

盆水不盈尺。陽橋坐可窺。蹄涔猶得所。拳石雅相宜。  
潛影非逃釣。隨波似縱鱗。逍遙如此足。何復戀天池。

雪夜煮茶

溪林雪滿條。獨坐對清宵。石鼎雲英淡。紅爐獸炭燒。  
句俱孤鶴瘦。興入四山遙。小徑通隣屋。山翁不待邀。

五言排律

賦得習射澤宮

野禽多上殺。王政美流風。講藝三驅後。興賢五射中。  
爭唯存揖讓。志素在桑蓬。行爵應無筭。間歌尚未終。  
繡繡蘭氣滿。朱羽瑞雲籠。既醉歡情洽。逶迤出澤宮。

萍始生

汎汎三江上。離離七澤濱。楊花飄昨雨。水色變今晨。

已應陽和令。還逢被袂春。平鋪疑綠錦。搖動見華鱗。  
浮蒂雖無託。輕鷗亦可親。願傾南澗管。采采□芳蘋。

送古公款游洛五十韻

鹽車千里馬。塵架九霄鷹。霜翮常思擊。風鬣久欲騰。  
素餐君子恥。儒服世人憎。自抱瑚璉器。空期蒲帛徵。  
辭金同孟軻。離母異於陵。北學遷喬木。南圖逐大鵬。  
機絲堂上斷。參膽膝前承。常棣花相映。塤箎曲互應。  
友于情太切。丞也歎何勝。眷眷攀桑梓。遲遲出驛騶。  
驪歌臨席咽。鶴唳入絃凝。別路縈如帶。中腸裂似繒。

懸弧初志遂。負鼎古人曾。舌尚餘三寸。擔唯有一筇。  
行糧何用裹。勝具自堪矜。美日多經歷。清風拂鬱蒸。  
揚帆滄海上。投宿白雲層。玉椀它鄉酒。寒窗客夜燈。  
觀風何處美。見月幾回恆。幽僻多留筆。閑吟半滿膺。  
入京觀庶富。渡海弄盈澄。館舍雖湫隘。名聲忽勃興。  
人皆知顧陸。誰復畏灌滕。策爲治安獻。辭將絕妙稱。  
王侯爭見致。冠蓋日相仍。上座虛襟待。西階躡屣升。  
賦工梁苑簡。藻麗剡溪藤。斗酒紅鸚鵡。金鞍碧氍毹。  
玄雲鬢一拂。紫石眼雙稜。雪裏窺王恭。舟中望李膺。

稚齡慵獨學。藝圃得良朋。一日居吾長。三冬服爾能。  
 風規來切切。警策發昏昏。自鼓雷門布。應同驥尾繩。  
 結交如魯衛。析義辨淄澠。聖上運斤斧。槁中引墨繩。  
 排蓬尋仲蔚。把菊憶王弘。薄俗俱逃跡。浮雲共曲肱。  
 有誰敲寂寞。無日不倭燈。鳳字寧調喜。謂伯賢鸞音迴  
 認登竹鞭驅。款段藜杖入峻嶒。暮徑隨歸犢。秋溪聽  
 采菱。洞探千歲籙。窟訪六朝僧。澗水停琴寫。苔碑任  
 手磨。參商從此隔。孤子欲誰憑。只為同心少。偏教百  
 感增。登樓人不見。對雪興難乘。夢裏池塘草。愁邊雁

足綾。曙雲春黯黯。城鼓夜皦皦。何以表哀曲。壺清一  
 片冰。

詠龍燈

王者西巡地。神燈萬古傳。壯觀期此夜。靈異自何年。  
 色接驪龍窟。光冲紫海天。淘鎔金躍冶。錯落玉鋪田。  
 粲爛星河出。參差列宿懸。蚌中明月滿。波際彩霞鮮。  
 水族難逃影。沙鷗不作眠。煮潮疑發沸。燒岸無生烟。  
 解佩江妃過。泣珠淵客遷。安偷餘燼去。長照讀書前。

五日小集二首

濁酒憐同病。清談對故人。榴花臨席吐。蒲葉泛杯新。  
竹密疑無暑。庭虛更絕塵。綢繆情不淺。偃蹇氣相親。  
飲自同河朔。賦還慚楚臣。獨醒吾豈敢。醉卧任天真。

其二

空齋高枕處。有客問柴荆。下榻清風入。開軒積雨晴。  
榴花搖醉色。竹樹颯寒聲。隱解滄洲趣。歌含白雪情。  
清談堪避暑。縱飲好逃名。但使杯樽盡。何須事濯纓。

鏡池

我愛鏡池清。菱花鏡勢成。秦樓初假色。漢鑿不擅名。

澹澹雲容白。澄澄月彩生。孤鴛傳古調。旅服動騷情。  
小艇雖難泛。幽觴亦可傾。滄浪之水濁。聊此濯塵纓。

古人有鏡池孤鴛之詠。我先君曾過此池。亦有旅服之什。故詩中及之。

擬送管相國左遷太宰權帥赴筑紫二首

九州卑濕地。萬里左遷年。聖代寧容謗。元臣欲避賢。  
棠猶餘蔽芾。鵬似慰迍邐。北望浮雲外。西悲落日邊。  
波濤見忠信。霜雪表貞堅。詩合雞林貴。書無雁塞傳。  
別淚飄零雨。離情悵逝川。達人安所遇。何必問蒼天。

其二

賢路辭東閣。星文避上台。

帝難淮海治。人惜棟梁材。鎮戍三韓近。乘桴積水開。地雖多瘴癘。誠合感風雷。野徧王孫艸。春遲驛使梅。萱關音嶂外。松浦白雲隈。貴賤交情見。居諸衰老催。願君留赤舄。姑此酌金壘。

擬送源鎮守府將軍征奧州二首

西周歌六月。東費誓三軍。禮樂曾謀帥。芟豪不及君。雄圖龍戰野。前著豹韜文。非有穿楊伎。爭收破竹勳。金戈回落日。白旆卷秋雲。路出羊碑北。營連鳥海濱。

鯨鯢雖立戮。玉石莫同焚。頌德期山甫。嫖姚何足云。

其二

公子通方略。青年擁節旄。九重天詔降。一夜將星高。善射由猿臂。威容在蝟毛。不治東第美。欲掃北門臊。爵募先鳴勇。人忘百戰勞。白河飛羽檄。錦塞耀花袍。望雁知胡伏。聽烏料寇逃。從來帷幄策。何肯失秋毫。

聞子友宿小金峯絕頂有此寄

絕頂臨滄海。千盤出紫霄。憐君携道侶。同此弄清宵。碧落纖雲盡。靈臺百慮消。嘯兼天籟響。袂與月華飄。

酒榼調松子。仙壇採藥苗。迢迢塵外夢。合有桂旗邀。  
賦得松契遐年。奉壽紀藩君氏七十。應命首  
闈苑千齡樹。仙經五鬣名。已符王母壽。何借大夫榮。  
偃蓋連金屋。高標插玉清。鸞鸞爭起舞。葛藟自纏縈。  
綠醕將花釀。丹爐得液成。長風吹不已。隔水送笙聲。

其二

嘉樹凌玄節。層城疊翠霞。誰知葑鬱色。偏遶女仙家。  
玉圍春相媚。瑤池影自斜。孫枝饒雨露。奕葉有光華。  
餘韻琴中入。清香酒上加。怡顏應不老。何必問丹砂。

擬幸河陽館汎船觀楓應制二首

西苑連楓嶺。離宮俯桂川。勞人停步輦。樂水泛樓船。  
秋氣凝紅葉。初陽散翠烟。綺霞峯際縹。畫鷁鏡中鮮。  
鹿合安靈囿。魚疑聽雅絃。天心恐遺佚。眷顧白雲邊。

其二

秋郊時省稼。西嶺且觀楓。絳樹圍天苑。金波洒月宮。  
龍顏常樂水。鷁首不嫌風。藻奪春華美。衣裁畫錦紅。  
落霞杯酒上。斜照擢歌中。不怪晚霞薄。應緣堯日融。  
緱嶺月夜王子晉吹笙

緜嶺留仙駕。笙聲月下聞。體虛衆竅應。吹萬一元分。  
 娥影如垂聽。鸞鳴似逐群。至音無近遠。仙律迴塵氛。  
 過壑混天籟。隨風舞嶺雲。蒼茫三闕後。何處挹清芬。  
 諸友見訪

高軒叨載酒。孤館忽披襟。但為知音少。何妨卜夜深。  
 清風生把臂。流水入鳴琴。談熟頻前席。交成欲斷金。  
 梧陰瑤露下。窗外玉蟾沉。縱飲君休去。斯盟不易尋。  
 賦得澄江淨如練

涼氣三秋淨。江流九派通。清泠深見底。淼漫遠含空。

鳧雁璃屏外。舟帆瑩鏡中。鮫綃冰色透。龍劍斗光融。  
 沙渚全輸白。堤楓或暈紅。波間明月落。轉見玉玲瓏。

贈琉球人

借問琉球客。何時艤使航。天邊窺屈蠶。雲如蠶尾之屈。名曰屈蠶。  
颶將海面避浮糠。海水如米。落滌潮流駛。元史琉球有落  
滌水。趨下而南。溟鵬翼張。龍涎時濺雨。蛟龍時時自  
不。回者也。 致風。鯨背乍浮陽。鯨魚時出沒。乘此薰風候。從它萬  
里洋。其來于我。必排雲離鬼界。島拜日到枝桑。開國  
待季夏南風。 非蠻種。其舜天王。即我含醇似古皇。明書莫醇中山  
源為朝之子。

分四姓。中山王都。向馬毛。首里服三疆。別名。國中世

分爲三。至今尚。島應鯉鱗數。有三。十。國依蚪尾長。隋

氏始統一焉。國形如蚪。自非南極近。爭見壽星光。常見。老野有長

故名流蚪。生草。年無一夜霜。終年無霜。青。峯常含翠麗。山地或出

硫黃。鳥。婦女相爲市。市集皆婦。寬柔自作鄉。鳩錢宜

貿易。有鳩字。錢。螺釜便烹湘。貧家用螺。時薦祠黃石。

土人多以石爲。寒耕插綠秧。冬種。胡琴携度曲。有胡

神。歲時祠之。人往來。文貝拾盈筐。海多。夫里餘蕉布。物農家足薯

絃歌。糧多以代穀。春遊陳舞板。有板。舞戲。娃。州掃球床。有手。戲。擔

角風蘭掛。異。園中月橘香。異。金刀宰海馬。名。冰椀進

沙糖。土。爾洗侏儸習。相從翰墨場。語非經重譯。交已

得同堂。茅貢雖靡盬。瓜期亦可忘。但愁鴻雁信不敢

度炎方。地極炎熱。鴻雁不至。

游菽府。呈明倫館諸學士。以下三首係乙

大國開藩鎮。名山入鬱蔥。城都千雉合。天險五丁通。

海盡魚鹽利。隴收耒耜功。驩虞知政治。庶富覺年豐。

偉矣先君業。誰知蓋世雄。手提龍虎策。心抱廟堂忠。

鹿挺爭奔險。鷓鷯本爲叢。折衝千里外。指麾十州中。



代已干戈戢。封猶帶礪隆。成均收胄子。泮水起黌宮。  
不有先河祭。寧知至道崇。菁莪經雨美。文杏入春紅。  
吉士周南出。良駒冀北空。夔先推郭隗。蜀早有文翁。  
射御人人肄。絃歌處處同。多才如竹箭。逸氣拂霓虹。  
我慕延州節。將觀列國風。驅車游此土。抱贄謁群公。  
慚以巴人調。難加郢斧工。好音君不惜。從是託魚鴻。  
浪華阿州郎吏岡。君章見邀得五歌。

漆園尋傲吏。官舍類山阿。夏木清陰滿。薰風酒氣和。  
夢猶追蛟蝶。門只引羊何。絲綺疑聽鶴。黃庭欲換鵝。

夕鐘忘路。殘席發狂歌。窈窕疎簾外。停杯對月娥。

伯潛千秋有春夜聽雨五言排律二十韻唱

和至再都四首同用十五咸韻險而意穩字

難而情暢可不謂大作家哉余時游洛攝之

間觀而悅之席上遂效其韻聊述客懷

偶聽簷外雨。偏濕客中衫。孤夢終難續。窮愁不可芟。  
枕從初夜側。書向故園緘。嗟我追吳扎。觀風辨魏渢。  
望洋知眼窄。求藥覺胎凡。烟閣連千屋。雲山入萬杉。  
鳥巢猶戀越。牛背遠踰函。舊識多年隔。新朋到處咸。

逢鵬恥作鷓對玉笑娥。城千里仍重繭。三殮只苦鹹。  
孤琴流水寫雙袪。故人摻出谷鶯猶澀。經時燕已喃。  
自甘蹇似鴛。不願狡同鳧。上國仍淹滯。中山畏謗讒。  
鴨川臨渺渺。巖嶺望嶢嶢。陶徑何時掃。馮魚幾日饒。  
辭因歸太就。杯爲興來銜。祖道飛驪曲。遙溟掛雪帆。  
百年知道遠。一日恐躬儻。夢寐思賢士。行行問傳崑。

六言律

西澗秋意

雙峰西澗秋早。一路南村客稀。人將天籟俱寂。禽與

山雲自飛。蘭氣有時薰酒。桂華終日滿衣。釣罷悠然  
獨立。娟娟涼月窺磯。

孤山先生遺稿卷之四終

